

重修嵐縣志序

夫志也者所以志一邑之文物也序也者所以序文物之先後也且見門裔閥閱者聿修氏譜凡以昭先烈而思綿邈遠也矧嵐龍漢唐故址在三晉稱上郡

乎昔宣子聘魯而嘉周公典禮
之大備孔子說二代之禮而歎
杞宋之無徵顧予官於其地而
弗究心於其地之文獻非闕典
與公暇嘗涉綠津陟桃邱撫銅
鼓瞰瀑布則見層巒環視碧流

襟遶松杉蔚會廩豕儻熙未嘗
不擊節而壯山河之固也旣而
披汾陰之輿圖訪仙洞之丹窟
眺爾朱之遺墟叅之以地理俗
尚政教文物之休美則又不能
無深懼者存焉何則邑之有美

而弗知懵也知之而弗迪懦也
今觀嵐志之休美地里土宜也
吾當順而阜之田戶俗尚也吾
當恤而正之官師政教也吾當
宜而化裁之夫先王采詩以驗
民風稽文以察時變政之美惡

皆於是焉備况嵐之地里土宜
昔淳龐而今澆漓矣田戶俗尚
昔富實而今靡耗矣官師政教
昔振飭而今廢隳矣加之賦重
而役繁訟健而事劇利益薄而
民生日蹙予以不淑之身表儀

之未樹而望末流之弗趨弊者
微矣予豈能以弗深懼乎哉予
豈能以弗深懼乎哉是志也分
為八卷詳略相因與別志不同
與輯者教諭田公畝訓導張公
大行董其事者蓮幕董公文賢

例合並書於後
昔萬歷十六年
歲在戊子冬十一月上浣之吉
嵐縣知縣談應春譔

重修嵐縣志序

歲在己酉余由樂亭補授嵐

邑自會城入天門陟兩嶺過

汾而西達嵐境岡巒嵯峨石

徑磳确懸崖鳥道肩輿幾不

能容俯瞰深谷惴惴不敢凝

視昔人云蜀道難不謂晉境
崎嶇尤覺過之抵縣郊見城
堞傾圯井閭荒涼士民迎接
者喬野樸陋無冠裳文物之
態旣而入署索閱邑乘欲按
籍以察土俗民情而斷簡殘

編缺略失次噫縣志所係者
鉅矣願可令其軼失不修哉

第筆墨之事非余今日之急

務蓋一行作吏簿書鞅掌未

遑重以土瘠民貧逋負陳因

考成嚴迫方思所以寬民力

又恐無以報催科蒿目焦心
展轉中夜志書之修豈余今
日所暇及雖然治有標本固
當權其緩急而事有鉅細未
可任其廢興縣志非細故也
一方之利弊民生之休戚風

俗之污隆人心之淳薄均繫
屬焉長民者不下堂階而致

治之法瞭若指掌賴有此耳

舊志始於萬歷十六年談令

應春草創略備僅有八卷記

載未詳迄今幾及二百年休

成利弊視昔異宜風俗人心
與時遞變執是以為考鏡庸
有當乎夫來者未續往者無
徵再歷年所恐湮沒無跡故
余雖不暇於文墨而僕々催
科之餘慨然以修志為急務

良以志之所關誠巨也況今
聖天子命修一統志各直省奉

令編纂余撥冗與邑之司鐸及
諸生考定故跡諮訪近事拾
遺補闕付諸剞劂使後之宰
是邑者有所憑藉心求乎民

生休戚之故隨時譬畫行見
利興弊草挽今茲之凋敝為
他年之富庶安知荒山窮谷
之中不可為菴水桑麻之境
何慮乎逋負又何慮乎喬野
樸陋之俗哉昔

雍正八年歲次庚戌孟春之

月吉旦

賜進士出身文林郎知嵐縣事海

寧沈繼賢鶴書氏謨